

ديوان بالعامية المصرية

# يا شموسه طلي

الشاعر الصحفي

نصر سليمان



مكتبة جزيرة الورد

# بطاقة فهرسة

حقوق الطبع محفوظة

مكتبة جزيرة الورد

اسم الكتاب : يا شموسه طلي (ديوان)

المؤلف : نصر سليمان

رقم الإيداع : 2018 / 15239

الترقيم الدولي : 978-977-834-073-0

الطبعة الأولى 2018



مكتبة جزيرة الورد

القاهرة : ٤ ميدان حليم خلف بنك فيصل  
ش ٢٦ يوليو من ميدان الأوبرا ت : ٠١٠٠٠٤٠٤٦ - ٢٧٨٧٧٥٧٤

بِسْمِ اللَّهِ الرَّحْمَنِ الرَّحِيمِ



# كلمة

.....

" هناك أرواح مشرقة كالشمس  
المافية تنير ما حولها فتعلق القلوب  
بأنوارها "

نصر سليمان .....



## فرجه قريب

.....

فرجه قريب

لينا حبيب

رب كريم

منا قريب

مع كل شدة

يرزقنا الصبر

وفي الضلمة

بنشوف البدر

فرجه قريب

لينا حبيب

...

## \_\_\_\_\_ يا تنموسة طلي

.....

يا شموسه طلي

بنور الحب هلي

وخلي الروح تقولي

عن الخير والمحبة

وتنور عمري كله

يا شموستي طلي

...

قلبك

أغلى نعمة

شافتها عينيا

حبك

شمس طلت  
بالفرحة عليا  
يحميكي ربي  
وتعيشي ليا  
ده حبك  
نبض الحياة  
في عروقي  
عايش بحبك  
ولهفتي وشوقي  
...

## الحمد لله

.....

في كل حال

ومن غير سؤال

الحمد لله

وفي كل يوم

ومهما يكون

الحمد لله

ده رب كريم

ودود وحنون

سبحان الله

...

## نهر المحبة

.....

نهر المحبة وافي  
مهما الحبيب يجافي  
ده القلب دقاته  
للحب بتوافي  
و القلب في حبه  
عايش بإحساسه  
والدنيا لو تأسى  
الحب له ناسه  
والقلب في حبه  
عايش بإخلاصه

...

## بكل المودة

.....

بكل المودة

يا ابني

سامحني

لا فكرت أسيبك

ولا أنت تسييني

بس الحياة

بتأسى ساعات

تعاند معانا

وتأخذ حاجات

ويفضل ما بينا

أصل الحياة

لحد الممات  
وبعد الممات  
مسيرة  
وسيرة  
وروح  
دعوات  
محبة  
وتسامح  
أهم الحاجات  
حتفضل ما بينا  
ملامح  
سمات  
ما هو انت  
نصيبي  
في رحلة حياة

## الضحكة حزينة

.....

حاسس ليه

الضحكة في قلبي

حزينة

وبتبدل

حتى الروح

عايشة حزينة

في قلبي

ولا تتحمل

جرح جديد

ولا تنهيد

ولا أيامي

قادرة تكمل

## أحلى ما في الدنيا

.....

أحلى ما في الدنيا

روح محبة

ديما تحبك

تحس بيك

وتعيش في قلبك

والدنيا تحلى

طول ما هي

جنبك

...

فيه أحلى

من قلب دافي

حنون وصافي  
يعيش في قلبك  
مخلص في حبه  
ويحب قربك  
الدنيا حلوة معاه  
وفي قلب صفاه  
ليها طعم تاني  
أحلى  
من كل الأمانى  
...

## فكرت كثير في حياتي

.....

فكرت كثير

في حياتي

في اللي فات

والي آتي

لقيت الدنيا

ثانية

بتفوتنا في ثانية

عاملة زي الفراشة

بتدور حوالينا

وألوانها بتلهينا

ويوم ما تروح

لواحد فينا

بتسيبه في ثانية

واحنا بنجري وراها

وهي دنيا فانية

حنسيها

تسينا

في لحظة

جاية .. جاية

ياريت نعيشها بمحبة

ونسيب ذكرى غالية

...

## همك همي

.....

قلبك قلبي

همك همي

حبك حبي

حلمك حلمي

أوعى تفكر

يوم حاتغير

ده أنت حبيبي

ليه تتحير

إبعد... قرب

روح وإتغرب

بكره حترجع

ده حبك أكبر  
لما حتسمع  
دقة قلبك  
ومهما حتبعد  
روحي بقربك  
ده أنت حبيبي  
حس  
وفكر  
قلبك قلبي  
همك همي  
حبك حبي  
حلمك حلمي  
...

## متن قادر ع الكلام

.....

مش قادر

ع الكلام

مش قادر

حتى أنام

جوايا جرح

صاحي

والقلب

فيه آلام

...

## بكرة تعرفوا

.....

بكره تعرفوا

مين حبكوا

وبالمحبة

كان بيروي أرضكوا

مين الحب إحساسه

والقلب

روحه وإخلاصه

...

بكره تعرفوا

الكذب فين

والصدق فين

ومين اللي زيف

ودكوا

ومين بالقلب

حبكوا

بكره تعرفوا

...

## لو كان الحب كلام

.....

لو كان الحب

كلام

كنت نسيت

مع الأيام

ده الحب

هو حياتي

وحبك

قلبي وذاتي

وإن كان

على العمر

فداك

قلبي

يا حبيبي

معاك

وروحي

عاشقة هواك

...

## بالمحبة الدنيا أجمل

.....

بالمحبة

الدنيا أجمل

وبالرضا

العشرة تكمل

من غير آلام

ولا كلام

في القلب يجرح

وبالمحبة والرضا

الروح بتفرح

ولما تحب

عمرك ما تأسى

ولو إسيت  
على طول بتنسى  
قلبك يصالح  
والحبيب  
قلبه يسامح  
...

## مصر فرحانة

.....

مصر فرحانة

وفي ولادها

عشمانة

يجيبوا الشمس

تاني

ويحققوا الأمانى

بإخلاص

وعدل وحرية

وقوة خير

ووطنية

عشان تفضل مصر

قوية

ودايما أم الدنيا

...

## القلب لما يريد

.....  
لا الحب له مواعيد  
ولا الحياة بتزيد  
أبدا عن المكتوب  
والقلب لما يريد  
يميل ويبقى سعيد  
ف حبه للمحجوب  
هي خطاونا  
مكتوبة نمشيها  
والحب ده مكتوب  
والعمر مهما يطول  
والقلب مهما يقول  
الدنيا ليها غروب

## الصبر آية

.....

يا قلبي  
الصبر على المر  
آية  
ده كل ليل  
وله آخر  
ولكل شئ  
نهاية  
والشمس  
لما تيجي بنورها  
بتفرح سمايا  
ده الحزن يا قلبي

سحابة معدية

والشمس يا قلبي

بكرة جاية

...

## عيتنوا كدبكم

.....

عيشوا كدبكم

وافرحوا بيه

لا حبقى زيكم

ولا روجي تشتهيه

كفاية عليا

صدق القلب

والحب اللي فيه

...

هو اللي عايش لذاته

وزيف روجه وحياته

مممكن يحب حد تاني

ولا يبقى مش أناني  
خليكوا كده عندكم  
عاشين ويا كدبكم

...

## حبك يا مصر

.....

حبك يا مصر

بيجري في الشريان

مع دمنا

وفي روحنا

مكان وزمان

حبك يا مصر

قوة

عمل

وسلام

حبك يا مصر

مش محتاج كلام

لازم عزيمة شعب

تحقق الأحلام

....

## \_\_\_\_\_ آه من نار الألم

.....

آه من نار الألم

جوه قلب

اللي اتحرم

لما يبقى حلمه

سراب .. عدم

لما روحه تتوه

مع قلب

حب

وانظلم

...

## ضحكك نورت الدنيا

.....

ضحكتك

نورت الدنيا

إبنى حبيبي

ضي عينيا

لما بتضحك

روحي بتفرح

ولما بتبكي

دمعك يجرح

روحي وقلبي

ربي كريم

يسعد قلبك

وبأنواره

يهديك دربك

...

## من حبي فيك

.....

من حبي فيك

بحس بيك

من غير كلام

وفي البعاد

بأخاف عليك

من الليالي

ومن السهاد

وقلبي ليك

وروحي فيك

وفي الوداد

روح المحبة

بين الأحبة

من غير عناد

...

## إيه فاضلك

.....

إيه فاضلك

سنين

أيام

إيه فاضلك

كلام

أحلام

إيه فاضلك

نبض قلب

عاش بالحب

عاش بسلام

....

## كل الناس عرفت قيمتك

.....

ليه بعد رحيلك

كل الناس

عرفت قيمتك

راح الغل

وبان للكل

حقيقة صورتك

انكشف الكذب

وعرفوا الحق

عرفوا حقيقتك

انت ارتاح

ربك أرحم  
من كل الناس  
انت ارتاح  
كنت فيهم  
روح إخلاص  
وهم فيهم ظالم  
فيهم خاين  
كان يبخادع  
زي الوسواس  
ربك قادر  
كشف الزيف  
وبان لكل حقيقتك  
وكل الناس  
عرفت قيمتك  
...

## مهما مر عليك

.....

مهما مر كثير عليك  
وإندارت الدنيا عليك  
ولا يهملك  
بكرة ترجع  
تضحك ليك  
بس خلي أملك  
في ربك  
ولا يهملك  
وإدعيه من كل قلبك  
حتشوف كرامات  
حتشوف نفحات

ينصلح الحال

ويروق البال

ما دام انت عايش

بترضي ربك

حتلاقي الخير

والنور في قلبك

...

## \_\_\_\_\_ للجمال ألوان

.....

للجمال أشكال

وألوان

في الكون

وفي الانسان

بس فيه جمال بأوان

وجمال يبقى وبيان

ونوره في كل مكان

جمال الروح والقلب

أقوى من النسيان

بيموت صاحبه

بس نوره عايش

مع الزمان

## لما تبكي

.....

لما تبكي

البكا بيشفي

جروحك

لما تبكي

البكا

بيخلي روحك

أطهر وأقوى

من أي ألم

ويخلي قلبك

حنون

ويروح الندم

وسلم أمرك لربك

ح يملا بالرضا

قلبك

...

لو حسيت دمعك

في قلبك

سييه حر

حتنسى تعبك

ولو كان مر

حيشفي وجعك

وسلم امرك لربك

حتملا السكينة قلبك

...

## الكلام الطيب

.....

الكلام الطيب

من قلب طيب

يزيد المحبة

ويجمع أحبة

في أحلى صحبة

والبعيد يصبح قريب

بنور الكلام الطيب

...

بالكلام الطيب

جراحنا تطيب

واللي مجروح

يصبح حبيب  
وبالعتاب الطيب  
يصفى لنا الحبيب  
والبعيد يصبح قريب  
بنور الكلام الطيب  
...

## لما حسيت بيك

.....

لما حسيت بيك

شفت النور

جوه عينيك

نور المحبة

نور الفرحة

بين إيديك

حنان مع أحلى وردة

حلم بكرة والنهارده

...

## يا ابن الناس

.....

ايه ح يفيدك  
يا ابن الناس  
لما تأذي  
وتظلم ناس  
مرة بايديك  
ومرة بلسان  
عايز ينداس  
وزي ما تأذي  
بدون احساس  
بكرة تلاقي  
أظلم منك

يرد عليك

كل مظالمك

ولماح تشكي

الناس حتقولك

انت بدأت

أشرب ظلمك

...

## يا جميل القلب

.....

يا جميل القلب

بروحك

وروح الحب

بتسعد يا ما قلوب

وقلوب

بنورك لما يهل

من بعد غروب

وبكلمة

وأحلى بسمه

الهم كله يدوب

...

# متفكرتش كتير في الماضي

.....

متفكرش كتير

في الماضي

عدى وراح

وبقى شئ عادي

أنت الحاضر والمستقبل

وقلبي ينادي

انت حبيبي

وبحبك راضي

...

ليه حتغير من شئ راح

هو انتهي  
ويا الجراح  
وحبك  
قلبك  
علمني السماح  
وقلبي ينادي  
انت حبيبي  
ودايما قصادي  
...

## بعملك تكون

.....

بعملك أنت

تكون

مش بالوهم

ولا بالظنون

بروحك وعزمك

مع قلب حنون

وإدعي ديما بقلبك

رب كريم

رب الكون

...

## يا ريتك يا صاحبي

.....

يا ريت يا صاحبي

تكون في حالك

وحاسب نفسك

قبل سؤالك

الناس بتحسب

كل خطوة

اللي راح

واللي جالك

لا يومح يرضوا

ولا أنت

ح يرتاح بالك

## ايه باقيلك عندي

.....

ايه اللي باقيلك

عندي

ايه اللي باقيلك

من ودي

من كتر الألم

ومرار الندم

مش باقي

غير بعدي

وغير صدي

...

من كتر الأسية

وظلمك ليا  
مليت حياتي  
معاك  
ولو قلبك  
حقيقي عليا  
كنت سامحتك  
وعشت بقلبي  
هواك  
.....

## إفرح بقلبك

.....

لما تفرح

إفرح بقلبك

وإفرح بغيرك

وأشكر ربك

كتبلك تشوف

نجاحك

وخلي نجمك

فوق جناحك

طاير بقلبك

فوق جراحك

ولما تفرح

أوعى

حد تجرح

خلي قلبك

قلب فارس

وإفرح بقلبك

والرب حارس

...

## محدثن يقدر يغلب تنعب

.....

محدثن يقدر

يغلب شعب

أصيل وشجاع

آمن بالرب

عمره ماخاف

من شئ صعب

شعب عظيم

كريم القلب

هو ده

شعب مصر

هزم الأعادي

في كل عصر

## خلي ليك فرصة ثانية

.....

خلي ليك

وخلي ليهم

فرصة ثانية

صدقني

ممکن في ثانية

يتغير حالك

وحال الدنيا

خلي ليك

وخلي ليهم

فرصة ثانية

....

## \_\_\_\_\_ مثلن فارقة معانا

.....

مش فارقة معانا

معانا أو مش معانا

الدنيا ماشية .. ماشية

حتى لو كانت آسية

خلاص

ما بقتش فارقة

الكلمة

كدبة ولا صادقة

...

## في مر الفراق

.....

في مر الفراق

تاه قلب الغريب

من بعد فراق

أعز حبيب

لا الدنيا

بقت دنيا

ولا بنساه

ولو ثانية

على حلمه

وحبه

بأعيش

ومهما مرت سنين

هو حبيبي

وغيره .. مفيش

...

## قلب أبيض

.....

قلب أبيض

زي الأطفال

لا يعرف يخبي

ولا يعرف محال

بيعيش بمحبة

وجمال وخيال

بيضحك ويبكي

ولاع البال

وينسى قوام

وحبه وصال

...

## \_\_\_\_\_ الأمل دنيا جديدة

.....

الأمل في الأصل

فكرة

دنيا جديدة

نعيشها بكرة

دنيا حلوة

زي غنوة

كلامها جميل

والقلب طيب

عمران بالحب

أصيل

...

## الشمس أحلى لما تهل

.....

الشمس أحلى

لما تهل

وبكل رقة

ع الدنيا

تطل

وبكل محبة

تقول للكل

صباح محبة

صباح الفل

بيوم جديد

وحلم جديد

وبالمحبة

تعيش سعيد

...

## ليلة وصانا بيها النبي

.....  
ليلة وصانا بيها النبي

الرحمة فيها مطلبي

ليلة في شهر الصوم

والدعاء فيها مذهبي

لرب العالمين

هو الرحمن

وشفعينا

هو النبي

حبيب ربه

وحبيبتنا

يارب عفوك

يكون نصيينا  
في ليلة مشهوده  
الامة موعودة  
بالبركة والغفران  
من الكريم .. الرحمن  
...

## وانت في السفر

.....

ياريت

وانت في السفر

قلبك يحس ويفتكر

إن الحبيب قلبه إنفطر

سيبته في نار الشوق

ينتظر

...

## البركة

.....

البركة

نفحة محبة

من ربي

فيها الخير

بس ديما

مستخبي

البركة

بتحس بيها روعي

وبيلمسها قلبي

والحمد لله

سرها

فيه الرضا  
والبركة  
يزيدها ربي  
...

## مصر بخير

.....

الحمد لله

مصر بخير

الحمد لله

وطني كبير

مهما يعاني

رافع راسه

مهما الشدة

تعبت ناسه

هو بخير

أصله

حضارة

نهر النيل  
شعب الخير  
شعب أصيل  
ممکن يتعب  
ممکن يغضب  
لكن بلده  
عائشة  
في قلبه  
حتى في غضبه  
قلبه كبير  
عابد ربه  
شعب أصيل  
واللي يحب  
مصر بجد  
ليه ح يثمت

فيها حد

يحفظ شعبه

زي السد

يقطع دايمًا

إيد الغدر

شعب أصيل

زي النيل

مصر الباقية

مهما يصير

مصر عظيمة

مصر بخير

...

# كل إنسان .. فيه نور جواه

.....

كل إنسان ..

فيه نور جواه

وحبه للخير

وللحياة

ممکن يتوه

عنه سنين

وفي لحظة

روحه بتلقاه

لما يحس قلبه

ويحب ربه

تحلى دنياه

وبنور الحب

يعيش معناه

...

بِحَمْدِ اللَّهِ

## صدر للمؤلف

\* ديوان (قدري) ... عن دار نشر «جزيرة الورد» لصاحبها ومديرها الأستاذ فتحي هاشم في أول شارع ٢٦ يوليو ناحية مترو الأنفاق بالعتبة بوسط القاهرة .

\* ديوان (بحبك يارب) ... وهو بالعامية المصرية

\* ديوان (القدوس ربّي)

\* ديوان (مشاعر عفوية)

\* ديوان (قالت تجادلني)

\* ديوان (كلامك أحلى من كلامهم) .. بالعامية المصرية

\* ديوان (تحرر من احتلاي)

\* ديوان (بحبك يا أمي)

للتواصل : nasrsoliman2@gmail.com

01012071584



## الفهرس

- 7 ..... فرجه قريب
- 8 ..... يا شموسه طلي
- 10 ..... الحمد لله
- 11 ..... نهر المحبة
- 12 ..... بكل المودة
- 14 ..... الضحكة حزينة
- 15 ..... أحلى ما في الدنيا
- 17 ..... فكرت كثير في حياتي
- 19 ..... همك همي
- 21 ..... مش قادرع الكلام
- 22 ..... بكرة تعرفوا
- 24 ..... لو كان الحب كلام
- 26 ..... بالمحبة الدنيا أجمل

- 28 ..... مصر فرحانة
- 30 ..... القلب لما يريد
- 31 ..... الصبر آية
- 33 ..... عيشوا كذبكم
- 35 ..... حبك يا مصر
- 37 ..... آه من نار الألم
- 38 ..... ضحككتك نورت الدنيا
- 40 ..... من حبي فيك
- 42 ..... أيه فاضلك
- 43 ..... كل الناس عرفت قيمتك
- 45 ..... مهما مر عليك
- 47 ..... للجمال ألوان
- 48 ..... لما تبكي
- 50 ..... الكلام الطيب

- 52 ..... لما حسيت بيك
- 53 ..... يا ابن الناس
- 55 ..... يا جميل القلب
- 56 ..... متفكرش كثير في الماضي
- 58 ..... بعملك تكون
- 59 ..... ياريتك يا صاحبي
- 60 ..... ايه باقيلك عندي
- 62 ..... إفرح بقلبك
- 64 ..... محدش يقدر يغلب شعب
- 65 ..... خلي ليك فرصة ثانية
- 66 ..... مش فارقة معانا
- 67 ..... في مر الفراق
- 69 ..... قلب أبيض
- 70 ..... الأمل دنيا جديدة

- 71 ..... الشمس أحلى لما تهل
- 73 ..... ليلة وصانا بيها النبي
- 75 ..... وأنت في السفر
- 76 ..... البركة
- 78 ..... مصر بخير
- 81 ..... كل إنسان .. فيه نور جواه
- 83 ..... صدر للمؤلف
- 85 ..... الفهرس

